

登

壇

必

究

登壇必究卷四十

淮陰王鳴鶴 編輯

姑蘇袁世忠 校正

輯奏疏說四

王鳴鶴曰當今上御區寓而宰輔申公王公相繼秉鉤樞四夷八蠻想望其風采烽烟絕警海內晏安真足稱熙明之時矣然安不忘危治不忘亂而於北邊欵貢戰守方畧每切切然於懷大都以鎮定爲首務不敢忽萬全之策以徼功于一時

觀兩公陳疏若出一口此老成持重之見所以安社稷而福生靈者至鴻鉅也二司馬大指畧似尤徵同朝協其之美嗚呼休哉寧夏議功疏與露布一道附輯于後皇威宣播僭亂削平亦足見熙朝盛典而弄兵潢池者其知所鑒戒焉

大學士申公時行建言邊務疏

自古國家制宇內鞭四夷莫不以名號示威重漢之於匈奴唐之於回紇其始和親後卒臣之國勢甚壯至宋乃始終議和自處卑弱方其盛時固已稱兄弟之國爭獻納之字矣而靖康之間今日進兵明日割地汴邑已陷而猶遣質講和此真自愚者也紹興以後彼則詔諭江南此則稱臣屈膝忠臣良將翦除殆盡遂不可爲此真自愚者也今國家一統興圖三犁沙漠其於北虜固禽獮而獸畜之自己已之變庚

成之警虜勢日張至隆慶中而邊氓之禍已極胡虜之運亦衰先帝因其款誠遂加臣屬其貢則奉表稱臣其市則以馬易貨朝廷特撫賞之而已耳

勅諭之而已耳今朶顏三衛不撫賞乎遼東諸夷不開市乎此與和親納幣事體同否而論者以爲諱和而言歛貢又謂以和自愚則胡不取宋史視之也惟虜中乃稱和蓋門面文飾之詞耳今以堂堂全盛之天下而自比於偏安之朝推高北虜而等之遼金貶損本朝而夷之弱宋臣不知其解也款貢之議實

先帝主之先任輔臣邊臣贊之於時安得有臣臣乃當積弛之後欲經畧收拾如操漏舟如窒潰堤蓋至難且苦矣臣以邊事容揭奏有曰虜旣桀黠無狀掠我屬番殺我裨將公背盟約蔑視天朝其勢不得不戰然其他部酋未嘗聚眾連兵合謀犯順其勢不得不撫再咨揭奏有曰今日之計惟責成督撫一面曉諭虜王使無助逆一面革絕火酋撫賞密圖勦處而最急者在挑選精銳措處兵糧務伸中國之威破黠夷之膽其揭帖具在御前皇上可查閱而知

臣爲專主和議專言不戰者乎臣職在代言初次恭擬傳諭有曰一應選將練兵保番禦虜機宜都要悉心籌畫著實修舉再次恭擬傳諭有曰今須及時收拾加意整頓務要懲創凶逆保守封疆毋得狃於貢市畏避怯懦及虛文搪塞因循怠玩此皆屢睿覽親經御筆者至於虜王市賞則已停革宣大家丁則已遣行凡臣所議擬皇上所采用具見節次明旨歷歷可查臣爲專言不戰者乎臣之揭奏諸臣固未必知至於諭旨宣布內外奉行是豈有不知

者今不於已行之今求其指歸而於未定之詞搜其
闕漏是誠何心今諸臣泛然言戰更不言何邊何虜
豈得使諸邊一時盡罷貢市出塞而與之戰乎抑但
指西鎮狂虜聲其罪逆整兵而與之戰也若槩言諸
邊則臣不敢承若但言西鎮則臣固有成議矣臣前
疏中欲以專力創西虜以全力制大虜其說已具至
於邊鎮之情猶不能盡者臣請得終言之北虜驚悍
飄忽自其性然欵貢則利歸酋長入掠則利歸部落
故諸部散夷聞當決戰未有不踴躍思奮者而我欵

貢日久將吏偷安武備單弱士馬無飽騰之寶器甲
有朽鈍之形以久不習戰之兵當致死方奮之虜則
不待接戰而勝負已分矣自非大修戰具士勇邊實
立於不敗之地則安能必勝此彼已之當較者一自
宣大至甘肅諸虜雖稱一家然自俺答物故以來勢
亦漸渙外有相與之跡而內有不相下之心頃扯酋
西牧傳調諸部有應有不應其威令可知矣故火酋
犯順則當聲罪以致討扯酋助逆則當革賞以示懲
而其他奉約不渝逆節未著者律以 中國治益之

法不行不得財尤當未滅而況虜乎今宜勿輕拒絕
姑與羈縻我乃得一意西征無牽此顧彼此順逆之
當別者二西虜遠在河湟尚有重關百二之隔烏舉
獸散未有長驅深入之圖而以訛言自驚相顧失色
言如沸鼎急在燃眉況宣大屏蔽陵京譬若肩背
地既密邇虜復眾強若隙端驟開羽書紛至虜起如
蝟我兵如刺薺此時洶洶之情曉曉之口當百倍於
今日即使盡誅邊吏盡易大臣何益於事徒足以遺
君上之憂而已故與其驟而激之也毋甯徐圖之此

緩急之當酌者三凡言戰者非能以虛聲喝虜以空拳驅士士又非能枵腹而往也語云興師十萬日費千金今灾沴頻仍公私耗竭大司農之見儲不能支一鎮之年例所恃者獨兵部馬價耳而近徵發已歛十萬邊郡糧草費又不貲設一舉而能殲虜暫費永寧猶可言也如一鎮擊虜他鎮復然今年索馬價明年復然太倉之積旣虛太僕之儲且盡是可不爲之寒心乎固非惜小費而忽大計也嘗熟計各邊撫賞之費歲不過四十餘萬不能當薊鎮之什三而可以

羈制諸虜令其毋動我乃厚集芻餉精選士馬聲火
扯二酋之罪擣莽搥二川之庭使番族復完虜益遠
塞兵費有限 國戚亦伸計無便於此者若使兵連
禍結財匱力殫時無桑孔之籌國有熙河之釁臣不
能爲計也此羸詘之當議者四凡臣之所以深思詳
計不欲孟浪言戰而必欲次第圖戰者大致如此至
於兵機貴密不可以先傳邊事當嚴不容於少懈則
又有不在多言而在力行者

又邊事疏

夫機不可以先洩事不可以嘗試臣之愚計謂必使虜王歸巢諸邊安靜乃可以專力制西虜必使西事既定邊備大修乃可以全力制大虜先後不宜失着臨事不宜倉皇今不分順逆不量彼已必欲諸邊一時盡罷貢市而與之戰使虜勢盡合我勢益分東擰西支乘危敵幸未有如此而能得志者方欲鑑南宋主和之失而已蹈北宋熙河之禍此亦臣之所不敢也夫言事與當事異言事之臣從旁揣摩得則有功失亦無事而當事之臣規畫不當主于釀禍債事異

時舉以爲罪何說之辭臣所謂當事者故寧干眾人之怒而不敢徵一戰之功寧冒羣口之譏而不敢忽萬全之慮

當
清 謂 昼 漸 深 謂 大 奮 警 之 環 波 眼 影 風 移 雨
泊 乃 既 然 鎮 定 坐 断 狩 狐 頭 牧 近 在 禁 中 非 邪 太
史 公 曰 欲 真 圓 統 淹
在 擇 任 將 知 言 故

大學士王公錫爵邊務疏

方今文武內外之吏名實異同之間與古事相反者三古謀國之臣無事則深憂有事則不懼故山濤謝安迄安晉室以經營之與鎮定各當其時也今則不

然自虜欽二十年來吏恬卒玩甲敵戈朽晏然無復
守戰之備及一旦封豕生心鳴鏑內嚮則當事者亡
羊補牢亦猶未晚而舉朝震怖惶擾上辯呶呶追
尤首事一反也古策虜之臣縉紳守和親介胄言征
伐雖各膠柱一偏然文武隨其事任勇怯量其膽力
廟堂自可折衷用之今則不然武官在塞下求安專
藉欽闢之利文吏在隙中觀鬪爭談出塞之功賈勇
不在邊境而在朝廷禦寇不以甲兵而以文墨此
二反也古當機制變之臣或胡越使之相救或父子

不嫌異趨今則不然諸邊以彼此支吾爲熟套以日
月玩愒爲良謀轉相慕效翕然同風而獨緩急重難
之事則隔垣內外便分爾我如扯曾一人在宣大則
力保其無犯在甘肅則以之爲誅首犯邊一事在西
人委東則曰爾何不招在東人委西則曰爾何不戰
皆逃責于已而嫁禍于人此三反也今經畧大臣業
有專遣臺諫諸臣之疏且次第酌行臣不敢再條便
宜猥瑣視聽獨前所謂三反者乃安危得失之大機
決當以經營鎮定相兼而行然所謂經營者不在臨

敵懃懃調兵易將在知已知彼知擒知縱毋示人以
拙而已所謂鎮定者不矯倉卒賭墅清談在緩急有
次第措置有精悉毋示人以怯而已臣竊觀目前跳
梁之虜惟火曾一枝顯然逆天自棄斷斷乎不可收
拾若其他或在陰逆陽順之間或在觀望反側之際
形狀未露則不妨廣布威信以招之羽翼未成則不
妨多行間諜以散之雖良平復生於今日察彼已之
勢審擒縱之宜其策不出于此而臣之所憂者獨恐
將吏以忘戰之久而畏事之甚苟聽要挾急圖招撫

使驕虜反持 中國之權武吏反襲漢儒之論其患
有不可言者故必 廟堂氣先定謀先審毋搖動于
流議毋怵惕于近憂逆命之誅先首惡而後脅從馳
詞之使先約戰而後議撫懸設重賞使將官之勇氣
先振而後使文吏策其便宜嚴責推諉使諸邊之血
脈先通而後使本兵課其功實經營在此鎮定亦在
此如必以一鎮有事使四鎮同時樹敵一歲在警乃
盡掩二十歲保境安民之功盡更將吏盡絕諸夷盡

掃

先朝大臣馬文昇王瓊等老成持重必然之畫

則非病臣所敢持空喙而保借前箸而籌者也方今
諸邊戰士有幾習虜敢戰之將有幾安攘之計獨有
一面推擇新將又一面策勵舊將又一面調集客兵
又一面招募鄉兵然一時部署已覺落落難合況轉
餉詘于歲儉發帑困于空虛萬一諸酋瓦解各邊四
面大征則我之拙形盡露何以支持故臣以爲不如
且從容寓戰于謀藏拙于巧威以先聲示之以不怯
莫遽爲倉皇自擾之狀其經畧大臣旣奉有特旨
全付之以諸邊重擔則廟堂但當總其大綱授以

大指如虜入則我之指麾當愈暇虜去則我之隄備
當愈嚴虜驕而挾賞則我之拒捍當愈堅虜懼而乞
哀則我之牢籠當愈悉至於瑣細節目隱微情狀之
間機關在彼中功效在事後自當一切寬假以觀其
運籌調度之何如若預掣其事權適足以爲邊臣藉
口逃責之資耳今之議者動引宋人和愚之說殊不
知彼出關奉虜此開關款虜彼稱南北兄弟爲敵國
此稱臣納貢爲屬國古今強弱之勢原自絕然不同
況彼以積衰而致敗而養威有如自今日改絃之後

士馬誠練糗糒誠充修守誠設斥堠誠謹則國家之全力固在持尺一以受降輜豈亦可與北庭歲幣南庭偏安同日而語哉此臣所以謬爲三反之論而酌以經營鎮定之二言蓋欲少省議論使當事者可以措手而不欲盡廢責成使避事者可以藉手欲暫寬文法使文武同心人可效死而不欲遂墮軍實使文武相戾人可逃死惟皇上留意裁擇臣不勝幸甚

軍志云守若處女行若脫兔未有不鎮定而能經營者夫行在四方守在中央寧直可趨之行伍操

此術者主持六台可也

戶部尙書石公星邊務疏

帝王之馭夷狄以戰守爲常經以款貢爲權宜然未
歛之先其戰猶易既歛之後其戰爲難則習與不習
之故也臣等常待罪先朝頗知故事蓋虜人憑陵
之患至嘉靖庚戌之歲而極烽火通於甘泉干刃接
於都闕雖宋代澶淵之圍不危於是矣然實則朝存
警戒境宿重兵所謂將軍有死之心士卒無生之氣
者也故其驅而戰之也猶易俺答納貢之約至慶隆

庚辛之年而定彼樂開市之利我收稽額之名雖漢家竟甯之歎不篤於是矣馴至今日遠近偷安中外懈弛所謂將軍有生之樂士卒無死之心者也故其驅而戰之也實難夫歎固易媿外夷終無不變之盟戰固難言中國豈有忘戰之理此今日籌邊之大較而要之戰陣之事將臣實專司之文臣乃督理之廟堂則主持之蓋相須以有成者也頃臣等旣會舉將才復會舉邊才固欲爲皇上求宗澤李綱之流督張韓劉岳之將祛易弱之習以圖難成之事壯

中國之威以抗莫測之虜者在事諸臣將次第受事
邊庭以洮河覆師爲鑑以卧薪嘗膽爲懷以歎爲決
不可恃而又當知有不可遽罷之歎以戰爲決不可
忘而又知有不可輕試之戰各輸倜儻持重之真材
共圖保障緝寧之實事城池有圯壞者則實修之壯
士有渙散者則實收之行伍有虛脆者則實充之戰
馬有缺乏者則實補之支給有虛冒者則實清之軍
餉有侵欺者則實治之於凡屯田之墾器械之利烟
燧之明間諺之設無一事不預爲之防曲爲之別經

營戰守凡旣備矣虜有輸誠乞請則陽示羈縻陰爲戰守之備虜有要挾敗盟則明示斥絕大張撻伐之威是皆諸臣所以自效至於邊鎮機宜則責在修備不遽責其浪戰懲在欺蔽不遽治其小譖今彼大小文武各務展布四體發舒志慮而無中制顧忌之患諸臣始得奏續而茲舉爲不虛也

五材並用難去兵四海雖安不忘戰談者類能言之至於戒浪戰懲欺蔽則本本原原之說

兵部尙書王公一鶚邊務疏

惟欽貢之議乃先帝庚午因邊臣之請集廷臣之

議而斷自聖哀以成華夷一統之盛者其時臣以外吏在草土中未與擬議今何爲曉曉以辯祇以欵則爲君臣和則爲兄弟名分相去遠甚欵則虜以表貢和則內以獻納體統相懸遠甚至於犯順之時語背欵則問罪興師語失和則相爲敵國此所關係甚重如眾皆謂和臣亦謂和使虜聞之藉內爭者爲口實史冊傳之以全盛者爲弱宋如國體何會議之時查虜中所欵表馬所受官職爲欵爲和自當有別臣何容言近虜犯洮河覆軍折將神人共憤臣恨不

能飲火酋之血而食其肉愚懦倉皇不知所籌欽奉
聖諭分別順逆敬仰 聖明照於萬里 聖諭出於
萬全不止可行於一隅而爲諸鎮所當守不止可行
於一時而爲萬世所當法故臣爲踴躍推廣 聖諭
奉揚 德意火酋悖逆者主於必剿以寒諸酋之膽
諸酋效順者照舊用撫以分火酋之黨扯酋在順逆
之間者先革撫賞俟其東歸遲早定撫剿之議以制
諸酋之命此外臣無能別獻其愚以決策制勝是非
不主戰惟不因一處之跳梁而諸邊一槩用戰非專

主撫惟不因一酋之桀驁而諸酋一槩斷撫譬之救
焚一處有火見就一處撲之無處處自焚也若諸鎮
兵馬嚴爲整槩以俟決戰諸鎮虜情嚴爲約束無使
合謀內地戍卒預行選練以防調遣譬之治水一處
既決不止一處塞之當處處隄備也如言者謂當槩
用戰臣卽覆一概用戰言者謂不當用撫臣卽覆一
概斷撫則諸虜並憤將令力以攻七鎮之間當分兵
以守宣大之虜尤強京陵之患尤近當徵兵以爲
宣大之防爲京陵之衛欲調宣大精銳以備西鎮

之狂虜其將能乎會議之時當一概用戰否當一概受款否自當歸一臣何容言臣不調四方之兵見者卽謂專主撫矣遠兵無濟於目前客兵難散於日後卽調寧夏之兵以援洮河旬月尙不能至若以數千里外調數萬眾豈能飛度兵至而虜已出邊兵去而虜又復來則兵將久屯乎將復散之乎餉之不繼脫巾者起勞師費財兵食俱困矣頃見調宣大之家兵募西鎮之家丁以往是將爲戰耶撫耶臣不請內帑之餉見者以爲不主戰矣不知師行糧從卽西鎮

一隅已發馬價四十餘萬而行中調遣行糧不在此數較之七鎮撫賞歲用四十餘萬者業已過之則虜尙無次第後費尙未可知戶部爲連歲災傷蠲免賑濟帶徵拖欠者共二千餘萬太倉所貯無幾今如不度虜情不審財力而調兵轉餉以張虛聲輕費數百萬而不惜本部馬價不足以支兩年年復一年不能解兵卽不能解餉亦不能緩徵水旱時有瘠窪未甦而又催徵太急則民窮盜起內外俱困矣頃發馬價以募兵買馬懸賞鼓番是爲戰耶撫耶此皆已見之

題覆會議可據以評其計之得失者臣何容言臣總督薊遼時東虜常從遼東求開貢市臣力拒之謂恩威並用乃馭夷長策西鎮欽貢數有要挾卽以遼東之用戰者折之使知中國主於決戰而虜不敢逆非專恃款而虜不敢背欲用以立威目前又慮虜欽將二十年先日戰將勇士日就消耗再踰數年則皆不見戰何從習戰虜如跳梁何以應之恃遼東有能戰之將士卽不能以盡禦諸邊之虜尙可分布以教練諸邊之兵用以防患於異日是臣在行間不專恃

欵而忘戰今乃專主撫而不主戰耶卽遼東戰用矣
而廣寧撫順之馬市未嘗不撫虜有入市易馬又復
入邊大舉者薊鎮用撫矣而陽順陰逆之狡虜未嘗
不勦有作歹革賞又有服罪開賞者此固大吹則擊
以杖搖尾則投以骨也今如因一虜悖逆而諸虜盡
皆用剿則廣寧撫順之市喜峯三衛之貢當罷於數
十年之前矣

兵部議覆寧夏功賞疏

兵部 題爲寧賊蕩平查勘功次分別陞賞以勦

人心事職方清吏司案呈奉本部送兵科抄出巡
按陝西監察御史劉芳譽題前事等因奉

聖旨兵部看了來說欽此欽遵抄出送司卷查萬歷
二十年十一月內該監軍御史梅國楨題爲仰仗
天威蕩平大亂直據所見查叙有功文武大小諸臣
以候

聖裁以定 恩賞事內稱通官駱允耿憲王都干
把總鄭天伏薛宜春盧世美薛紹貴許仲汪汝謨
李天角樓大榮魯瑤胡化馬騰霄張榮任應常郎

科副總兵葛臣應襲陳汝松皆所真知故敢直叙其功次虛實有該鎮之公論而巡按御史詳加稽核等因已經行勘訖又該兵科都給事中許宏綱等題爲西夏叙功敬陳末議以重爵賞事本部覆議等因奉

聖旨該鎮退虜勦逆功次非常叙賞委宜慎重這所奏准行府部等衙門從公會議徐部裡還逼查節次奏報事情參酌衆論議擬歸一作速具奏以副朝廷賞不踰時之意欽此又查得節次報捷人役

總督侍郎葉夢熊差舍人葉祚承差宋養蛟巡撫
都御史朱正色舍人陳九仁武魁監軍御史梅
國楨差舍人陳效提督總兵李如松差舍人梅子
良陳耀鎮守總兵蕭如薰差舍人李永亨各應照
例陞授職級今該前因通查案呈到部看得甘肅
巡按御史劉芳譽題稱查勘過寧夏斬獲逆賊虜
級并鎮北張亮等堡遇虜擒獻馘承恩等所據獲
功人員與夫在事大小文武官員例應陞叙賞賚
及查陣亡傷故者初時紀功官不暇細紀及事平

之後俱卽回鎮其各有無父母妻子願陞願賞恤
賄等項事在彼中無憑查議若俟移文行查至日
酌議必得數月方齊非惟獲功官軍觖望陞賞抑
且有違

朝廷賞不踰時之意乞要移文各鎮督撫查照遵
行除獲功陣亡人役分別等第備造覈冊送部查
考外及稱寧夏副總兵麻貴破虜制敵威名獨高
原任總兵今補洮階副總兵充爲事官劉承嗣堤
水困城勳猷尤懋其麻貴以前贓罪應

宥免究劉承嗣運糧支放俱明遇虜原無失餉相應復其原職與麻貴俱遇大將缺推用原任陝西管總兵事副總兵等官李昫等九員俱應優加陞資軍門標下左營遊擊等官趙武等一十九員均應併加陞資內陳良玳跋涉萬里王國翰屢挫賊鋒有旨復嘉謀之事委出風聞今既查明俱應優加陞資麻承詔鄧鳳嚴惟忠應准贖罪鄧鳳仍免提問劉天俸仍聽該部查明酌行寧夏冠帶官畢邪氣卽周國柱百戶王英石棟已該軍門俱給部劄

周國柱應陞都指揮使王英指揮僉事石棟正千
戶周國柱以指揮使與王英石棟各世襲查得周
國柱原籍榆林衛願回本衛王英石棟亦願改附
近衛所照前職各世襲內周國柱手刃劉東賜仍
應照擒火落赤事例給賞以酬其功原任總兵等
官牛秉忠等四員相應優賚內蕭如蘭英勇勤勞
仍足大用延綏總兵董一元甘肅總兵張臣亦應
併賚原任永昌參將今補礮伯遊擊等官達雲等
一百一十一員俱應陞賚內馮大柱張亮堡殺虜

當先王鐵塊中鎗子勇敢尤著應准贖罪復職王
汝弼戰必出眾應復降級李天爵賈應期俱應准
開伍高鸞王定國謝凡挺身赴援生死不顧各應
加實職左天祿李有昇衝鋒殺賊立有奇功已經
給與部劄李有昇應照前獲功次陞級左天祿照
部劄陞所鎮撫各世襲安字薛正南募兵萬里而
來與葉子高馬世國俱應陞所鎮撫戴儒仍應優
叙以酬其勞軍門標下聽用原任遊擊等官徐龍
等九員俱有勞績相應叙錄推用軍門督陣旗牌

西安左衛指揮使等官戴勑等二百二十五員名
均勑勤勞各有功績但查各官間有獲功議陞議
賞者然功非尋常仍應一體叙賚內李登胡成文
俱應陞正千戶世襲王機梅萬良陸雲朱騰擢趙
世登李啓陽侯國楨熊彥吉高應元譚宗仁宗臣
施國忠張所蘊馬釗張萬邦金得祿武鳳李懷信
伯效誠朱朝元潘緒育麻植麻寵席寬杜松蕭捷
王廷綱績勞尤最與何業于全及何廷章等二十
七人并黃忠獻關有功及查武鳳李懷信各斬有

首功除照例議陞外仍應賞賚馬釗麻寵張萬邦
席寬金得祿譚宗仁宗臣施國忠雖各照獲功陞
職但蕩平多賴其力功浮於職相應與王機等仍
照原議俱陞所鎮撫世襲監生俞方策卽應趨選
邊方員缺開獻西門漏泄逃出生員張有知張守
約王德新黃渭宗子源齋武生趙承先民丁張守
仁張守義黃沛黃淇張守禮張守信夏以和王桂
景應夏田養民景應泰張義顧節趙奉先楊青宋
奎呂成王汝樞孫芝葉顯李科王錫賢莫子才許

可信及獻南關拒堵北門敵回許朝等賊兵生員
王懋德等二十二名與何應麒陳雲鵠李登陽龔
元佐高坤王應乾王仲儒楊國卿麻教大葉光裕
趙其昭趙其成勤苦可嘉俱應給冠帶以榮其身
管莊浪參將事副總兵魯光祖協守莊浪指揮魯
光國亦應併資陝西參將等官王鳴鶴等五十五
員名俱應資賞內王鳴鶴才勇超羣防禦最久仍
應紀錄季永芳田大有馬如龍薛如玉李如臣李
濂周賢佟國位王柄吳嘉駿韓得舉任事俱優厥

功惟茂俱應優賚徐應登保守平虜功多仍應冠
帶榮身分委買運糧餉打造火器等項効勞官軍
門標下牌馬司管隊千戶等官張子登等八十七
員名俱應賞賚內馮守乾吳宗堯張元勲趙相普
劉繼爵幹局罕麗推用宜先原任平涼府知府等
官徐濂等均應加賚內李崇德王尙忠景登第劉
沛張三謨吳游藝王三讓俱應陞級延論運火藥
買硝黃大助軍威近經行取止以借用勘合降職
不無可惜似當及時擢用監軍分守叅政等官楊

時甯等均應特加陞賚內場時甯馬鳴鑾尤當卽
日大用左布政使等官李春光等併應優賚內劉
光國應與楊時甯馬鳴鑾一體陞賚仍大加推用
李春光鄭國仕周文卿朱朝聘俱仍應陞俸御史
王有功等相應優錄贊畫兵部主事趙夢麟監軍
御史梅國楨此二臣者首宜

特典公論允協督撫等官郝杰等相應厚加優賚用
樂等俱宜大加優錄寧夏總兵蕭如薰世不多得
雖膺閩寄不足酬勲仍應破格優異提督總兵李

如松相應陞廩寧夏巡撫朱正色首宜陞廩總督
侍郎葉夢熊尤宜陞廩前總督尙書魏學曾特宜
陞廩以答殊勳令史等役鄭天寵等相應併叙鄭
天寵應陞都吏行頭劉訓趙應楨應免在外一考
半趙良卿免內外兩考各給文赴部蕭起瑞黨登
第黨登榮應遇缺先叅仍與溫希文待轉考叅二
年半各不拘輪序截叅通吏各半年鎮守總兵掾
史陳機照依本等資格免候卽選以勵其效承差
杜詩武承業應免外考以勸其後至於兵科給事

中許宏綱王德完先職方司郎中楊于庭本部尙書石星戶部尙書楊俊民內閣趙志臯張位恩典出自

宸衷不敢擅擬各一節除陣亡傷故有無父母妻子願陞頤賞恤賄移文各鎮督撫查明至日及獲功人役查照覈冊另行議覆外爲照聖王懸爵賞以鼓舞臣工非優厚不足以感人非至公不足以服人故曰功疑惟予又曰賞當其功兩言者蓋互相發明者也頃者本部因寧夏功次爵賞議論未一

特

請廷臣會議正欲朝廷重大之典一歸於至公而已今該本部約於二十三日同五府九卿科道諸臣齊集東闕從公會議該戶部尙書等官楊俊民等共稱今日封拜頗於擒斬賞格不合日功出多人似未歸一在六科都給事中等官劉宏寶等單稱總論寧夏之功則封拜有餘拆論諸臣之功則封拜不足停罷封爵厚行陞廕公諭人心俱博妥當在十三道御史李堯民等單稱功不可磨賞

不可濫酌量輕重大行陞賞亦足以酬汗馬而答忠赤在

廟堂不爲食言在令典不爲溢格在列將居功亦安在百僚清議亦平各等因臣等謹遵

明旨通查節次奏報事情參酌眾論準按臣之所勘
叙採監軍之所賄記裁以科臣之所提衡敢矢諸
天日而一一評之夫自哼噦作亂其遍天罪狀諸
所疏列奚啻詳哉大都妄恃有徒敢於睥睨神器
首發大難因之簧鼓人心而力能令四十餘城一

朝嚮應抑何人情之易搖也向使平虜之守未固
則北無拊背之憂靈州之計遂行則南有建築之
勢爲禍尙忍言乎若夫賊之謀主於勾虜我之勢
分於遏虜乃知決水圍城之策可用也以斷賊虜
之交也顧虜方受約而許之來賊且引領而俟其
至賊虜交搆功何由成直至張亮堡之戰而後虜
始喪贍賊亦絕望自是而可以用間可以招降可
以剪除禍本原始要終其大畧如此臣等謂是役
也仰仗我

皇上乾剛獨斷

渙汗屢頒發犒士之金而暴露

者益感 恩以恩畜

賜尙方之劍而逡巡

者咸畏威以爭先蓋不待獻闔之日而臣等已知

賊有將亡之兆城有必敗之機然羣策畢集羣力

畢舉行間文武將吏其功何可誣也若論其大者

則城守之功莫如平虜血戰之功莫如張亮蓋一

當倉皇之始而以忠義激發人心一當危急之秋

而以死力披離賊勢卽廷臣公論誰曰不然但照

本部題奉

欽依封爵賞格原以待擒斬首逆之人乃嘵拜以自
焚死承恩以降後縛事實成於用間功非出於擒
斬謂蕭如薰似當封也而抗逆雖屬奇節守土例
未議封且本官由偏裨而大帥酬報不爲不隆李
如松似當封也而攻戰雖多其力始事未經其手
且本官世受異數之恩自當殊死以報矧往稽
擒反事例卽文如王守仁武如仇鉞皆以一人而
始終其事非以一事而數四其人今制帥且再更
事體凡幾變功未會其全人各有其效多封之則

濫專封之則偏在廷諸臣咸謂封爵可罷者此也
惟是叛逆諸賊旣蒙謀危

社稷之誅則有功諸臣宜受計安

社稷之賞臣等固不敢徇私以奸

國家帶礪山河之典亦不敢從薄以違

皇上鼓舞將吏之心際 内閣大臣仰襄

宸斷力贊成功佐

廟堂而馳心軍旅之中效啓沃而數矢安攘之畫

恩宜頒於 特眷例難拘以尋常及戶部尙書楊

俊民度支勤勞有裨軍國兵科都給事中許宏綱等忠讜疏駁每切機宜臣等俱遵例未敢擅擬至於各鎮撫鎮之止奉徵調各差御史之不與勦勦司道非在行間有司原無執事者俱用科臣之議一切裁省其本內有名吏書行督該撫衙門徑自優犒外如原任總督尙書魏學曾白髮籌邊丹心報國當變起紛紜而鎮之以靜乃人心搖惑而綏之使安先馳渡河之師旋奪列城於賊手亟拔靈州之險卒破姦宄之潛謀遏虜以制賊而擔革

之奇悉由多算招安以全城而決水之策實自持
籌其移臣星書也有云緩則悞事急則憤事信用
心之獨苦其與臣星約也惟期賊滅則生不滅則
死徵殉國之精忠及今已成之功孰非將就之
緒此一臣者臣等前因延綏叙績未蒙

俞允復官夫既以罪魁而被逮似仍以功首而特酬
不獨明賞罰之有章適以見

聖人之無我總督侍郎葉夢熊氣可凌霄心存滅虜
聞變義形於色奮然請討與賊誓不共生願以身

當雅得將士之歡故赴義苗兵甘心死報備飭攻戰之具故隨軍神砲足振天聲代視事而號令更新人皆悚息擁

賜斂而悲歌自矢志決除冤密發部文鼓內應於間諜飛馳片檄拔禍本於須臾既用計之多奇實當機而能斷巡撫都御史朱正色慷慨負氣沉毅有

謀甫奉

命而單騎就行直欲滅此朝食馳至軍而諸務自辦真能遇事風生攘甲更引弓每雜於介胄之列攻

城幾被箭獨當乎矢石之衝知南關之將獻也而
夜半督軍料大城之可降也而陰行反間撫凋疲
於殘破之區安反側於危疑之際信平力能肩鉅
誠哉事不避難監軍御史梅國楨一腔忠盡八面
雄才憂時事而抗疏請纓奉

特簡而戎服蒞事誓馳奏之不敢欺每見披肝瀝膽
恨滅賊之不能蚤時聞怒髮指冠微服營中問士
卒之甘苦因繫其更生之望單騎城下曉逆賊以
禍福且發其誘伏之奸堅意主決水之謀而親督

堤工發兵禦渡河之虜而功收張亮馳諭帖而聞
賊卒令人自相攻鼓士卒以登城且能戒止勿殺
可謂料敵而多中不負

休命之對揚以上四臣均之同功一體俱當陞廕優
異總兵蕭如薰天與孤忠勇而多智當逆徒猶猶
正人情觀望之時以兵食孤單值虜騎充斥之會
乃能揭赤心之四字自決捐軀申大義於三軍人
爲咸泣且用計破賊虜之膽兼捐貲結士卒之心
故以狡賊下四十餘城之日而不卽南渡以危城

阻賀蘭山之口而屹然如山者誰則制之況入城
一意撫摩時方倚賴居功雅能謙讓人共推稱雖
曾報生擒五虜而勘者未及叙列伏射哱雲而議
者尙多異同然本官所重正不在此提督李如松
雄風遇衆勇膽絕倫不惜千金養士部前盡是貔
貅惟拚一死酬

恩所向功成汗馬張旌旗而過城下咸推遼左之雄
明號令而肅軍中兼制隴西之命北堤之堵賊身
先諸將雖射中耳傍而督軍愈力張亮堡之遇虜

手刃二卒卽數傷騎馬而血戰彌堅蓋自虜酋中
箭而斃是以虜衆披靡而走卒使著打諸酋遠移
不敢近嘵許諸逆退縮不敢出者誰之力也且當
獻城而挺身先登畧無難色及班師而留甲助用
更見同心況自六月以抵九月獨與監軍久歷圍
塲艱辛備至以上二臣其功次不同其關係最大
俱應特加陞廕以示眷酬監軍分守關西道右叅
政楊時甯寧夏河東兵糧道按察使馬鳴鑾原任
寧夏河西道副使蔡可賢督糧道左叅議張季思

先督糧道左叅政顧其志分守河西道副使李承
志署印分守關內道左叅政鄭國仕臨鞏兵備叅
政今陞按察使劉光國原任關西道副使周文卿
莊浪兵備道右叅議朱朝聘以上一十員監兵督
餉剗河道而便轉輸合志同心資彈壓而嚴防禦
軍興有賴剿撫咸裨各屬有功俱應優叙寧夏副
總兵麻貴身經百戰氣奪千人沙涛毋寡遏強北
門奮力堵賊提偏師而無重傷之失戰張亮而多
夾持之功原任總兵今補洮階副總兵充爲事官

劉承嗣廉勇有聲藝謀並著築堤千丈而終始經
營轉餉百車而晝夜防護在麻貴威名獨最足掩
前愆在劉承嗣勞苦備嘗查無失餉委應酌處以
需大用監軍中軍都司李如樟名稱將種勇冠人
羣部下之擒斬獨多而計縛黃羔兒功爲更著軍
前之任事最猛而助戰張亮堡捷屬尤奇關城兩
俱先登堤壩半皆分督靈州叅將今調標下右營
來保會當首事雅著先聲急爲沿河之防屢奮破
敵之勇固保咽喉要地使姦宄無由措手終收恢

復奇功致烈焰不能燎原浙江叅將楊文威名久
著謀勇兼資從萬里而提兵赴義至一日而適會
成功臨戎有制登城則先雖部兵之擒元逆委未
出於交鋒而機讎私密士卒用命其將畧誠足多
也遼東遊擊李甯一身是膽八面生風大敵巴等
之授擒阿不失戶之被殺悉以身先黃夾口之領
兵張亮堡之突陣幾於無敵摧鋒自是夙長登城
乃爲餘事寧夏叅將馬孔英雄材出眾驍將絕倫
獨馬遠哨定邊我兵賴免誘伏人多推讓虜亦知

名莊浪叅將今調永昌王國柱北門堵賊多功石
溝禦虜最力枕戈而壯心良苦中矢而勇氣不衰
固原遊擊吳顯耿耿忠心桓桓武俊助來保以守
靈州擒張承煦而保橫城決策期淨狼煙赴難不
避虎穴延綏副總兵王通遇敵不驚聞鬪則喜力
能以寡覆眾才知應變出奇原任陝西管總兵事
副總兵李昫能讀兵書夙閑將畧臨幾似有遷延
之跡先事已多拮据之勞而奪取河舟收復城堡
皆其功之不可泯者以上九員勞績俱懋陞賚宜

優內李甯先經提問未結仍當釋免王通雖被論
革職功亦難混相應併叙原任總兵牛秉忠桑榆
暮景嬰鑠雄軀見登城而奮力同攀闖禦虜而據
鞍求往原任總兵董一奎殫心力以馭番虜令營
壘以困堅城翼奮灑池功收肥塞原任總兵張傑
敢委身於虎口期默奪乎狠心斡旋最苦擔負多
勞軍門標下中軍副總兵蕭如蘭傳宣佐帷幄之
籌整飭揚師帥之武拮据倍常戡定有賴以上四
員所處不同均宜優叙平涼府通判李崇德劉沛

西安府同知李承武平涼府同知張三謨寧夏東
路慶陽府通判吳游藝固原州知州景登第靜寧
州知州王三讓會寧縣知縣延論或運糧餉或佐
火藥營陣因之充足士馬藉以飽騰名勑勤勞宜
加叙賚遊擊等官趙武等一十九員枕戈荷甲共
期剿滅元憝陷陣衝鋒協助削平大亂功各有成
虜併陞賚冠帶等官周國柱等三人身在賊傍志
希國士招降用間實賴之以周旋

宗室士民多因之而保護較之斬獲功且倍焉委

應分別陞襲惟殺劉東陽適在復城之後雖田宅銀兩難以准給似當仍爲酌賞叅遊等官達雲等一百一十一員名身親行陣而攻城禦虜各効其勞志切蕩平而傳令護糧畢矢其力底定功成均應陞資內或應復職閒伍或應加陞世襲事例既合併當議處原任遊擊等官徐龍等九員防勦多功籌謀各効或決水而用竭胼胝或出城而罔恤身家均屬有勞宜加叙錄督陣旗牌等官并獻門事泄逃出人員戴勑等二百五十七員名功忠不

同叙賚惟一而內有應陞應廢者仍宜照例酌給
至於宣大總督尙書蕭大亨以信義論名王潛消
其助逆之釁以威惠厲健卒用作其敵愾之忠浙
江巡撫常居敬首倡義旅心切勤王卽今縛賊之
功莫非遺將之力前陝西巡撫沈思孝今陝西巡
撫姚繼可誼切震鄰慮周桑土阨塞之保障彌多
兵糧之料理攸賴以上諸臣雖與在行間者不同
亦與奉徵調者有間而賚敘錄用實所宜加副總
兵魯光祖指揮魯光國助兵運木併賚允宜參選

等官王鳴鶴等奔馳最苦防禦多資効勞千百戶
等官張子登等吏目等官譚澄等克稱委託製造
多能各効一臂微勞應加賞賚示勸又如原任職
方司郎中楊于庭供奉簡履瘁竭形神當羽檄之
交馳實寢食之俱廢今論賞之日凡有寸功皆蒙
敘錄而本官祇以口語過失致干計典遂使長材
潔守擴棄泥塗臣竊憫之科臣有言事敗而與同
其罪當事成而與同其功若楊于庭者人縱不與
其功臣則深知其苦原任職方司主事趙夢麟明

習吏治洞曉兵機頃者贊畫西師頗能監造攻具而墜馬折臂幾死王事亦以先任追論閒住似此青年壯志棄之誠爲可惜夫二臣皆臣屬也本部例不言功而臣等爲此喋喋無非爲

國憐才而推廣使過之仁耳況兩臣俱經督撫監軍按臣議及臣獨何心而忍默默合無恭候

命下將魏學曾准復原職仍優廕資葉夢熊重加陞廕朱正色梅國楨同加陞廕仍各優賚蕭大亨常居倣重加賞賚沈思孝姚繼可俱加叙錄內沈思

孝急爲起用蕭如薰李如松俱特加陞廩仍各優
賚楊時寔馬鳴鑾蔡可賢張季思顧其志劉光國
各陞職一級鄭國仕朱朝聘各陞俸一級仍與李
承志俱加賞賚周文卿准令致仕內楊時寔馬鳴
鑾劉光國遇巡撫員缺推用蔡可賢遇缺起用李
崇德劉沛張三謨吳游藝景登第王三讓各陞俸
一級仍與李承武併加賞賚延論卽爲擢用麻貴
劉承嗣李如樟來保楊文李寧馬孔英王國柱吳
顯王通李昫牛秉忠董一奎張傑蕭如蘭俱特加

優賚內麻貴賊罪俱免加都督僉事管事候衝邊
大將員缺推用劉承嗣准復副總兵職銜仍與蕭
如蘭遇大將員缺推用李昫准復原官來保楊文
馬孔英王國柱各陞副總兵內來保仍加署都督
僉事吳顯陞參將管事李寧免其提問與李如樟
俱陞參將遇缺各加副總兵銜推用王通加寶職
二級與董一奎仍俱准叙用牛秉忠仍陞寶職二
級趙武趙夢麟俞尙德孫仁王國翰姜顯謨左聰
何崇德錢燧陳良玳李鎮中孟孝臣郭有光頗貴

擺賽麻承詔鄧鳳嚴惟忠劉天俸同加賞賚內趙
武王國翰姜顯謨加陞未久各陞實職一級趙夢
麟孫仁各陞參將仍舊管事錢煜何崇德陳良玳
李鎮中俱以原官遇缺推用孟孝臣准復參將郭
有光陞參將管事左聰頗貴各加遊擊管事擺賽
加守備職銜管事麻承詔鄧鳳嚴惟忠俱准贖罪
開伍劉天俸行原籍查明開伍鄧鳳仍免提問俞
尚德查鼓譟無據且延綏搃巢亦應併叙照王國
翰例陞參將管事仍陞實職一級周國柱陞都指

揮使王英陞指揮僉事石棟陞正千戶周國柱以
指揮使與王英石棟各世襲周國柱改榆林衛仍
加優賚王英石棟俱改附近衛所仍各加賞賚達
雲陞參將侯用陳松加參將張節成尙仁各加遊
擊職銜管事胡澤李惟喬左朝鯤張雲姚廷夔鄧
榮祖杜光宇王希魯晏武陳愚衷各查原官遇缺
陞用李鯤實授參將陳王道加守備職銜馮大柱
王鐵塊俱准贖罪復職王汝弼准復降級李天爵
賈應期准開伍李有昇照獲功次陞級與左天祿

陞所鎮撫各世襲安字薛正甫葉子高王定國謝
玘陞所鎮撫不世襲高鸞戴儒陞實職二級李秉
德蕭如蕙陞任未久與杜熊兆郜寵李聰馬臣馬
的祿李廣業劉應舉趙承武崔玳張治策汪承用
王重信劉朝臣徐四德宋湯緒金尙禮宿振化鄒
天祿李世功王承烈焦承恩馬世國姚得明張五
倫趙夢龍饒彥章王世祿安邊才葛惟藩董正誼
張澤孫岐鳳段汝勵張二陳俊潘興盛阿都赤盧
濟倉汪汝漢魏國忠李文學裴勳沈安邦士代麻

大爾賽劉芳聲王進表李大臣鍾立魯守禮張榮
李仲誥吳秉懿魏登陳維正林有楠朱世爵黑金
孫重光王繼爵李時中葛清吳平虜杜坤白天爵
田志忠劉鳴鳳王綬冒承恩趙良臣胡鋟許登麟
張懷邦楊禎蘇崇節孟宗禮丁繼祖黃繼芳各陞
實職一級內董正誼金尙禮宿振化與徐龍徐勲
高珮郭淇孫錦趙寵蕭韶成梁繼祖楊朝各錄用
仍與達雲等俱各賞賚戴勑戴鳳劉鴻業劉平胡
孫光祖史繼勲劉祿賀朝棟蘇萬軍呂成文李啓

陽陳雲鵠王世用龔元佐張承勲楊天恩趙秀左
朝紀郝大仁賞懋功趙世登朱騰擢葛似松俞方
策呂應鍾李三讓李登陽何應麒廖朝聘馬如雲
黃榮王制王世榮郭養性韓炳王極陸崑熊彥吉
高應元張雲漢艾應兆譚宗仁李懷信武鳳金得
祿宗臣施國忠席寬馬釗伯效誠李芹朱朝元趙
應麒王應乾宋守中劉天祿田濟邦鍾一奎鄭廷
周溫浩范勛楊克功賀倫張清張延銳王仲儒張
萬邦張所蘊王勲吳國賓李春元王嘉會陳良璣

沈龍張進諫王宣劉啓元龔君禮吳惟高王一元
傅敏潘緒育劉本義陳子玉宋文鳳李大春李國
武黃堂安舒白一奎王大徐讓宋文麟王師古楊
國臣王誥申承恩蔣崇功尙勲潘經楊承祖高權
劉上勤李實周東王從誥陶遇春劉光裕蟬騰霄
李光顯倪端李桂司民牧陳卿吳繼祖李雲桂劉
賀政賀邦隆李榮吳世學牛承恩凌旺麒吳世登
蔡應時陳國英邱進忠魏時亮邊以寧葉秀黃榮
巾大煜吳世勤卜祥黃大才周世文盛世孝胡繼

明王惟賢毛林許邦佐姚宗美周彥文史承勲路
得韓爵趙繼祖任應舉保國忠李承允張大紀麻
允孝麻植麻寵楊國卿麻敖大任名葉光裕任繼
業龔海耿淳王宜平蕭捷杜松王廷綱侯國楨王
機梅萬良陸雲趙應魁夏允忠王應熊冒光裕鄭
鵠李登趙其昭趙其成何廷章沈憲吳成張問仁
劉慈劉阿孫沈阿升于炳夏興唐禮三聞竟李要
驥于隆郭升保馬禮吳景芳魏斌謝宗戴榮一袁
朝徐付夏之時薛永受王林王連陳謨句連黃忠

何業于全王懋德沈必亨吳大忠徐顯徐友才何
煜郭大緒黃見吳應舉程時進傅授仁毛三授金
大用石廷玉王朝宰何仲義韓仲禮單焯施雨胡
尚義徐慶王三張有知張守約王德新黃渭源齊
趙承先張守仁張守義黃沛黃淇張守禮張守信
夏以和王桂景應夏田養民景應泰張義顧節趙
奉先楊青宋奎呂戚王汝樞孫芝葉顯李科王錫
賢莫子才許可信魯光祖魯光國王鳴鶴王夢書
彭振雲季永芳李棟殷誥錢載江廷輔汪度吳繼

呂黃培忠李志韓田大有劉國良柳天成徐立愛
張倉蕭梁胡永振夏德黃承祖王朝保朱良現楊
克學蔣申陳命爵張邢教馬大成王爵吳登福劉
世宗劉體元朱延齡張舒翼李順高科趙秉忠鄭
印劉丙一馬如龍薛如玉佟國位王栢吳嘉駿韓
得舉李濂李如臣周賢王廷綱吳志行郅見朱承
宗徐應登戴勲何名益吳道直張子登馬應武景
逢春李登李邦林李繼勲馮守乾吳宗堯趙相普
張元勲保國祚魯槐丁案曹世業楊應魁盛琦王

修德唐時俊白彥中陳大猷楊邦政陸自強謝恩
汪一龍甘汝霖王齊趙嵩單繼顯翟麒賈邦宰姚
原劉繼爵段祿楊顯楊希龍韓體仁沈邦白金屈
傅孟詔韓世業杜世成鄭印李錡余良吳慶林相
趙啟葉詔俞可化徐棟王永福金汝卿鄭才丁洲
王承恩楊湛楊統劉有源劉紹武黃正色周貴蕭
貞李世茂張華譚澄貢忠國程應鵬溫登魁秦木
李可欲劉待聘馬國光李棟邱授顏李衷儒齊官
王訓鄒祿黃桂殷仕信劉謙元劉應選李孟陽何

仲儒顧孟墀張邦瑞同加賞賚內民李登陞指揮
同知以後子孫世襲指揮僉事胡成文陞正千戶
世襲王機梅萬良陸雲朱騰擢趙世登李啓陽侯
國禎熊彥吉高應元譚宗仁宗臣施國忠張所蘊
馬釗張萬邦金得祿武鳳李懷信伯效誠朱朝元
潘緒育麻植麻寵席寬杜松蕭捷王廷綱何業于
全何廷章沈憲吳成張問仁劉慈劉阿孫沈阿升
于炳夏興唐禮三聞章李要驥于隆郭升保馬禮
吳景芳魏斌謝宗戴榮一袁朝徐付夏之時薛永

受王林王連陳謨句連黃忠俱陞所鎮撫各世襲
俞方策起送吏部遇邊方缺優用張有知張守約
王德新黃渭源齋趙承先張守仁張守義黃沛黃
淇張守禮張守信夏以和王桂景應夏田養民景
應泰張義顧節趙奉先楊青宋奎呂成王汝樺孫
芝葉顯李科王錫賢莫子才許可信王懋德沈必
亨吳大忠徐顯徐友才何煜郭大緒黃見吳應舉
程時進傅授仁毛三授金大用石廷玉王朝宰何
仲義韓仲禮單焯施雨胡尙義徐慶王三何應麒

陳雲鵠李登陽龔元佐高坤王應乾王仲儒楊國
卿麻敷大葉光裕趙其昭趙其成徐應登俱給冠
帶榮身王鳴鵠本部紀錄馮守乾吳宗堯張元煦
趙相普劉繼爵附簿遇缺推用其報捷承舍葉祚
宋養蛟陳九仁武魁陳效梅子良陳耀李永亨各
照例陞職原任職方司郎中楊于庭量准復用原
任主事趙夢麟量於邊方雜職叙用及查監軍御
史原疏內稱原任副總兵葛臣周旋用間駱允出
入虜營耿憲陳汝松採訪李登郎科助殺劉東陽

及王都鄭天伏薛宜春盧世美薛紹貴許仲汪汝謨李天角樓大榮魯瑤胡化馬騰霄張榮任應常各俱効有勤勞及稱主事來三聘趙彥委督轉輪備歷艱苦經歷王立民陳一鴻或運糧不勝其勞或隨營屢冒其險而按臣勘叙實所未及臣等以爲監軍覲在記功諒必有據應將來三聘趙彥照李承志例俱加賞賚葛臣照牛秉忠等例併加優賚王立民陳一鴻照李崇德等例陞俸一級仍准叙用駱允等照戴勑等例各加賞賚本部仍資行

該鎮巡撫將耿憲陳汝松等於軍前委用及郎科
王都等如無官職俱照張有知等例各給冠帶榮
身但

恩典出自朝廷臣等未敢擅便再照臣聞汲黯在
朝淮南寢謀古大臣之係中外觀望如此臣星待
罪本兵既不能潛消事變於未然又不能速定禍
亂於已發而徵調紛紛至費供億鉅萬臣之不職
自審極明幸不卽加譴責若更以例受賞則臣罪
彌深臣懼彌甚且臣疾病侵尋部務廢闕倘蒙

登壇必究

卷四十

奏疏四

墨

蚤賜放還是臣之受

恩更大矣區區愚樸統惟

聖明裁察等因萬曆二十一年三月二十六日太子

少保本部尙書石星等具題四月初三日奉

聖旨嘆賊據城勾虜叛亂勢甚猖獗該文武將吏運
籌効勞剿除兇逆平定邊疆朕心嘉悅葉夢熊謀
畧素定功成一朝勲庸茂著陞都察院右都御史
廕一子錦衣衛正千戶世襲賞銀壹百兩大紅旛
絲四表裡朱正色陞右副都御史廕一子錦衣衛

實授百戶世襲賞銀八十兩綵段四表裡各照舊
總督巡撫梅國楨陞四品京堂候邊方巡撫推用
廩一子錦衣衛實授百戶賞銀五十兩綵段三表
裏李如松陞左都督廩一子錦衣衛指揮同知世
襲賞銀一百兩大紅綺絲四表裏蕭如薰陞署都
督同知廩一子錦衣衛指揮僉事世襲賞銀八十
兩大紅綺絲四表裏李如松見征倭効勞仍加太
子少保以示酬眷蕭大亨賞銀六十兩綵段四表
裡常居敬賞銀四十兩綵段二表裏沈思孝姚繼

可俱加叙錄沈思孝急爲起用楊時寧馬鳴鑾劉光國各陞職一級遇巡撫缺推用蔡可賢張季思顧其志各陞職一級蔡可賢遇缺起用鄭國仕朱朝聘各陞俸一級仍與楊時寧等及李承志各賞銀二十兩綺絲一表裏周文卿准致仕李崇德景登第劉沛張三謨吳游藝王三讓各陞俸一級仍與李承武各賞銀十兩遇缺卽擢用麻貴贓罪俱免加署都督僉事管事候衝邊大將員缺推用劉承嗣准復副總兵遇大將員缺推用如李樟陞恭

將遇缺加副總兵推用楊文陞副總兵仍加實職
一級李甯免提問陞參將遇缺加副總兵推用來
陞副總兵仍加署都督僉事馬孔英王國柱各
陞副總兵吳顯陞參將俱各照舊管事王通加實
職二級仍准敘用李昫准復原官牛秉忠陞實職
二級董一奎准敘用張傑蕭如蘭遇大將員缺推
用內麻貴劉承嗣來保馬孔英李如樟楊文李甯
仍各賞銀四十兩綵段二表裏其餘各二十兩趙
武淮陞遊擊趙夢麟陞參將仍管舊事俞尙德陞

參將管事仍陞實職一級孫仁陞參將仍舊管事
王國翰姜顯謨陞實職一級左聰加遊擊管事何
崇德錢煜陳良玭李鎮中各以原官遇缺推用孟
孝臣准復參將郭有光陞參將俱照舊管事頗貴
加遊擊擺賽加守備職銜各管事麻承詔嚴惟忠
准贖罪鄧鳳准贖罪免提問劉天俸行原籍查明
開伍內趙武趙夢麟俞尚德孫仁王國翰姜顯謨
孟孝臣郭有光各賞銀三十兩其餘各二十兩周
國柱陞都指揮使世襲指揮使改榆林衛仍賞銀

五十兩綺絲二表裏王英陞指揮僉事世襲改附
近衛石棟陞正千戶世襲改附近衛所仍各賞銀
二十兩達雲復參將職銜候用陳松加參將職銜
張節成尙仁各加遊擊職銜管事胡澤李惟喬左
朝鯤張雲姚廷夔鄧榮祖杜光宇王希魯晏武陳
恩衷各查原官遇缺推用李鯤實授參將陳王道
加守備職銜馮大柱王鐵塊李天爵賈應期俱准
開伍王汝弼准復降級李有昇照獲功次陞級世
襲左天祿陞所鎮撫世襲安字薛正南葉子高王

定國謝凡各陞所鎮撫不世襲高鸞戴儒陞實職
一級李秉德等七十六員各陞實職一級仍與達
雲等各賞銀十兩董正誼等十二員各賞銀八兩
仍附簿叙用戴勑等二百七十四員名與駱允十
八員名各賞銀五兩李登陞指揮同知以指揮僉
事世襲賞銀二十兩胡成文陞正千戶世襲賞銀
十兩王機等五十七員陞所鎮撫世襲各賞銀八
兩俞方策送吏部遇邊方缺優用張有知等六十
四名准給冠帶王鳴鶴紀錄馮守乾等五員附簿

遇缺推用仍與俞方策張有知等各賞銀五兩葛
臣來三聘趙彥各賞銀十兩其餘依議原議寧夏
功成當加封典今該部會議功非成於一人爵又
不可多加姑依議免行以待後有勳亂大功與封
典脗合者仍要申明格例舉行勿使朝廷失信以
孤文武報效之意魏某師久無功旣經論列本不
應叙姑念其任事已久亦有多功准復原官致仕
楊某有旨不許朦朧推陞如何輒擅敘議堂上官
姑且不究該司官各罰俸三箇月趙某邊方雜職

用石星居中調度勞久功多着加太子太保詹一
子錦衣衛正千戶賞銀八十兩大紅綺絲四表裏
徐元太趙參魯宋應昌各三十兩綺段二表裏該
司郎中二十兩其餘各十兩楊俊民賞銀三十兩
綺絲二表裏許宏綱賞銀二十兩遇京堂缺推用
其餘各十兩欽此

平寧夏露布

欽差總督陝西三邊軍務兼理糧餉兵部右侍郎兼
都察院右僉都御史臣葉夢熊謹

奏爲露布事伏以

世際雍熙六合仰同文之化

時督軍奏九邊憲

耀武之風普天來玉帛以趨蹠誰甘後至極塞見
檀裘之匍匐敢不先馳雖

聖人不殺爲威

穆穆垂衣而治乃天下不言而

喻皞皞鼓腹以遊或不得已而用兵惟誅不義亦
間有時而撻伐務在安民恭惟

皇帝陛下

德超千古

恩洽八紘

日月

同明益蓋豈能逃照

雷霆並烈魑魅那敢潛

形以故內治教甯潢池之警不作外攘修舉老上
之庭已空惟茲寧夏建玉節以控臨實

祖宗制馭之成憲衍

天潢以彈壓顧

世代

封守之宏猷宋室以前淪爲元昊故穴正德之際
變成安化妖氛近歷熙朝稱爲樂土詎意哱
拜哱承恩生長胡地狼性難防劉東陽許朝士文
秀結約陰謀虺兇愈肆殺憲臣以起難奪

勅印以憑陵劫庫放囚何所顧忘招夷納叛共結誓
盟擅置職官頒布衛所要地播傳諭檄傾搖關隴

愚民殘辱縉紳拘囚 世子逼勒附已少有抗者
立見分屍強甲徒跣一不顧者致令割腹全馬子
女盡輸沙漠厚招蛇豕之羣甲馬戈矛共協天驕
薄逞韓盧之技勾吉囊著力之眾深入郊原調山
後套中之夷燒截糧道寧夏爲家長安爲國欲噓
胡元之死灰嘆氏稱帝劉氏稱王將據漢唐之故
址此其志不在小何止宋江之強謀出非常不異
祿山之僭加之連雲堞雉反資猛虎之隅環月池
壕益護封狐之穴慨七旬未格尙費誅鉏而六月

興師竟難攻取惟仗

聖明剛斷

賜効以震天威

廟畫淵微決策

以收全勝總督尙書魏學曾竭智殲忠復回衛所四十餘處困賊退虜安全堡寨幾萬餘家寧夏巡撫朱正色親冒矢石而展臂生風監軍御史梅國楨身任戎行而揮戈起日提督總兵李如松與虜對敵斬首一百二十級虜謀絕而大勢成始末皆其首功寧夏總兵蕭如薰固守平虜相持者數月賊氣沮而根本定牽制尤多勝算副總兵麻貴城

下石溝之戰先後出奇總副叅遊牛秉忠劉承嗣
李昫王迺何崇德王國柱楊文馬孔英李如樟李
甯等轉戰防守之功拮据極苦藩臬監司楊時甯
馬鳴鑾蔡可賢顧其志張季思相與分猷之助經
理爲勞兵部主事趙夢麟倡始籌畫之方先收奇
策遼晉宣大之驍將畢陳浙湖川貴之健卒咸至
令四鎮之主客列犄角於東西祐金浴鐵之夫雖
百折而不回斬將搴旗之雄合萬人而同志旌旗
影動賀蘭雲嶂總如龍劖戟光浮河水晴波堪絢

縱臨衝動地何有堅城疊架自天應無峻坂檣中
猿猱心怵刀砧鼎內雞雛魂飛湯火九月初八日
關城自歟將士先登忽聽楚歌知重圍之難解回
看漢幟驚故壘之俱殘乃賑瘡痍并收骸骼人心
一動如水建瓴眾志旣歸猶獸走塘隨於十六日
羣酋互殺劫氣遂終懸東賜許士之首於城陶闢
哱拜承恩於窟內救焚絕燼芟草求根承恩生擒
哱拜就戮舉家百口付之炬烈真夷干眾伏於銅
刀勢如雷霆功收漏刻乃嚴焚林之禁益溥解網

之仁蔡人卽吾人直披肝膽吳地卽我地何隔藩籬道有壘礮

皇師至止兵不血刃

帝德旁敷萬戶生靈喜漢

官之再覩兩河父老頌舜日之重逢顯行劉闢之誅不負靈旗之西指謹函呂嘉之馘急趨驛騎之

東馳

神武不揚九邊側目者爲之喪魄

聲教洋溢四方率服者自爾承休從茲武庫韜戈戎亭撤堠奏鏃歌而祀

清廟稱壽舜而御 軒圖臣夢熊惟以丹心天日
賊不滅則刎頸爲期詎知

元鑑私衷幸底績而據鼎可免恃

皇猷之遠暢而僭亂削平舉世難忘

帝力愧效忠之未盡而羣謀畢集小臣敢竊

天功臣不勝欣忭之至爲此專差指揮張承勲親齋

謹奉露布以

奏

聞

門生

廣陵方元壯
貴陽鍾伏武
全校